

Boka som kom ut i dag og som Thomas Havro Hansen har skrive om Lars Sponheim inneheld mellom anna ein episode med uskedelingen Gustav Bergstø i hovudrolla. Den handlar om då Gustaven, som Sponheim kallar "oppfinner og en kreativ sjel fra Kvinnherad" oppsøkte ministeren midt på natta i Ulvik seint på krisehausten 1998.



Gustav Bergstø heime på Korsnes. (Foto: Ola Matti Mathisen)

Sponheim hadde kome heim frå Oslo godt over midnatt, men stod opp att klokka 4 for å ta seg av ein fem hundre liters kopparkjele med ølbrygg i bryggerhuset.

Det var heilt mørkt i det vesle huset, med unnatak av flammene som steig opp under den digre kjelen. Sponheim stod tynkledd og sveitta og rørte rundt i brygget. Med eitt dundra det på døra og slik held Havro Hansen fram:

"Sponheim skvatt til, uforberedt på at noen kunne tenkes å komme på besøk så tidlig. Han nølte et øyeblikk, menså dundret det igjen og Sponheim åpnet døra. Utenfor sto en gammel mann i Felleskjøpet-dress, pelslue og skinnfell over brystet. Han hadde et brev ihånda.

Mannen het Gustav Bergstø, oppfinner og kreativ sjel fra Kvinnherad. Brevet skulle til statsministeren, og Bergstø hadde gått over fjellet hele natta for å nå fram til denne Sponheimen i Ulvik, som han regnet med kunne bringe brevet videre.

Bergstø hadde sett på nyhetene at det fantes barn som sultet i Murmansk, og hadde fått en ide om å hermetisere geitekjøtt og sende det opp til Nord-Rusland. Han ønsket ikke støtte fra staten, men han mente at prosjektet var såpass viktig at statsministeren burde bli orientert.

"Sponheim", sa Bergstø, "jeg har tak i halen på noe stort".

Engasjementet til Bergstø gjorde inntrykk på Sponheim og han tok imot brevet før han kørde den gamle mannen ned til busshaldeplassen. Særleg gjorde sluttreplikken inntrykk og Sponheim prentet det inn i underutvalget då han var tilbake i Oslo.

-Vi har og tak i halen på noko stort. Og den halen må vi ikkje slippa, sa Sponheim i utvalet, der det var semje om at dei ikkje skulle gje makta til Jagland utan kamp.

Bergstø gjennomførte Murmansk-prosjektet. Han fekk sendt fleire hundre pakkar med kjøtt og den siste pakka var han i Oslo for å visa statsministeren personleg. Korleis det gjekk føre seg kan ein lesa i boka, mellom anna korleis Sponheim presenterte Bergstø for Bondevik.

-Han lyt du snakka med, det er fortenesta hans at du framleis er statsminister, sa Sponheim til sjefen.

Av Ola Matti Mathisen